

全唐文

金
馬
大

欽定全唐文卷七百二十四目錄

崔郾

唐義成軍節度鄭滑潁等州觀察處置等使金紫

光祿大夫檢校尚書右僕射使持節滑州諸軍

事兼滑州刺史御史大夫上柱國襲封密國公

食邑三千戶高公德政碑

并序

韋乾度

條制四館學生補闕等奏

駁左散騎常侍房式謚議

金定全唐文卷之二十四
桃源觀石壇記

李膺

為江陵鎮李石賀崔鉉箋

題惠山寺詩序

徐襄州碑

班肅

笙磬同音賦

張師素

唐故東莞臧君夫人周氏墓誌銘

杜元穎

授段文昌中書侍郎平章事制

請令沈傳師在外修實錄奏

對茂才異等策

翰林院使壁記

翰林別野堂詩

樓閣本異詩策

詩人小集詩公詩贊珍表

郊外文昌中書計浪平章事除

林示

欽定全唐文卷七百二十四

崔郾

郾字廣畧清河武城人舉進士書判入等授集賢殿校書郎累遷吏部員外再遷左司郎中元和十三年爲吏部郎中遷諫議大夫

唐義成軍節度鄭滑潁等州觀察處置等使金紫

光祿大夫檢校尚書右僕射使持節滑州諸軍

事兼滑州刺史御史大夫上柱國襲封密國公

食邑三千戶高德政碑

并序

維天之高仰懸象以辨其方維地之廣資崇山以鎮其域
申甫當列岳之位允文應上將之星合德配功古今攸重
巨唐二百廿載穆宗皇帝握符御圖思勲烈之臣重藩維
之寄詔工部尚書高公承簡建節義成軍佩金魚印洎督
郡而遷鎮於滑臺粵二旬教化成號令行軍旅知訓黎人
安業咸懼公報政之晚乃明進律移理乎他邦則三軍將
安於拊循闔境遽叨於惠養於是部將試祕書監兼殿中
侍御史李忠義等三州耆老緇黃等五百人瀝懇披誠遣
監軍使宋守義以聞於天子願紀羊公於峴首復借黃君

於潁川惟聖知賢特可其奏乃詔翰林侍講學士中書舍
人臣鄔俾纂述其績刻於貞珉式昭我公之殊勲昭示來
裔曰公渤海人也曾祖夔皇朝涼州司馬贈涼州刺史大
父行暉試懷州別駕贈戶部尚書烈考崇文邠寧慶節度
使京西諸路都統檢校司空同中書門下平章事南平郡
王贈太師在憲宗朝劉闢恃西州之險阻兵自固卒被誅
戮時則司空解梓潼之師覆其巢穴殲大憝以靖乎庸蜀
鴻功煥爛刻於旂常在穆宗朝李齊乘大梁之驚擁眾構
奸以稽王命時則僕射公率眾之郡兵遂奔潰戮兇徒以

固其譙潁豐功赫奕鏤於景鍾先皇嘉樂趙之勲用韓彭
之畧俾總旄鉞殿於是邦濟代成家乃享其福宜茲懿美
豕韋故國白馬通津處東夏之衝要襟西城之捍蔽綿地
千里提封三郡利兵勁卒雄武實首乎天下盡忠死難勲
績常冠乎藩方故節制澄清之權皆以賢侯良帥精鍊勲
庸董其職所以重劇部而獎勞臣也自元和末歲東土艱
勤調發徵求曷嘗底寧陰沴繼災蒸人重困田畝棄耒耜
里門空杼軸邑有瘡瘠路有餒殍徵稅徒限於編戶行賞
不及於連營公始下車勞以安之來以康之政以悅之廣

敦勸之方以道之浹辰而教行朞月而俗化於是起凋瘵
復流庸野歸其耕家舉其織咸被膏澤而無殘人然後條
舉前弊拜章列聞乞免逋責以寬征徭殊恩俯降特遂其
請於是鰥惇蒙其生惠游惰勸其力穡咸適樂土且無廢
時此龔遂所以播嘉聲也奸豪飢歉之餘奸盜萌起小則
私竊於里閭大則推剽於康莊抵法禁及留獄犴者布列
於郡境夫以居人宥密之地孰不愛身思安全而避刑辟
者率性之常道孰能保生憐其濫以宥其死者公獨推好
生之德察小大之獄盡哀敬之心貸其科條咸使全活故

謳謠於封部釋寃滯於比寧此安隆所以成茂化也高旗
長轂精甲銳師勤王之役比歲而舉竭廩廡以給兵食殫
府庫以奉軍裝弊耗以空物力未復及公戾止則禁彼浮
靡修其潔廉由身以率人自家以形外鍾鼓之樂不注於
心耳采華之飾不被於閨闈節其宴游絕其玩好無私積
以厚於已必多方以贍於軍由是寒者溫餒者飫資用是
給戎行臻寧此祭征虜之奉公也自頃師徒荐興節將屢
換咸有紀綱之僕用資肘腋之親因隸是弊且非吾土方
俗之異董率攸難公威令訓齊惠綏周洽感義戴德洽爲

一心若凝寒之被陽和如嬰兒之蒙顧復皆願畢力以奉
轅門此馮征西之得眾也至若罷不急之務黜冗食之徒
戎器未備則造器者加意而戎器精焉戰馬或闕則有馬
者增職而馬政修焉繕城池以固其金湯飾廨署以避其
燥濕是皆賈彼餘力因其羨財人樂就役故無煩功不逾
時故無害此又黷勞永逸之嘉績也美化之所燠灼深仁
之所浸漬發於天和達於人心割股以致養廬墓以盡孝
非懿行昭感變其澆俗歟功利及於人慈愛布於下戎士
愛戴編昨樂康則有潔祀以薦誠虔禱以資福非厚德濡

煦激其深衷歟雖漁陽之詠兩岐蜀郡之歌五袴比功類
善此無愧焉當吳元濟拒命淮西公領相國晉公牙門之
任累以長策贊乎兵機及上蔡削平羣師旅旆詔以郾城
之地析置潁州非寬能愛人無以康疲俗非威可馭衆無
以定新邦晉國乃表公之材請受符命於是掩骼埋胔以
導其和氣拯饑救患以濟其凶年治屯營以劭農功補壞
隄以平水害解宇之卑也則遷諸爽塏而高其開闔傳置
之闕也則勦以道周而豐其儲峙故有甘泉芝草之瑞焉
詔嘉其功移守鉅鹿先是州封綿廣人力凋耗兵革之後

田萊多荒公乃計其戶版悉以配給比盡地利且廣賦輸
疏漳州潰溢之源開龍崗廢塞之室俾以善課嘉績如激
政焉復以高第遂遷於宋淮海衝要舟車會同泊公來思
甿俗嚮化屬浚郊之變連封俶擾宋爲屬城之近且居下
流兵力未任物情疑駭公乃蒐索補卒以張其氣燄借貸
斂粟以備其困乏密表以布誠飛檄以請援賊衆遣同惡
曹簡使於宋悉索官私之財公斬之以徇自是兇徒奪氣
矣竟能奮義旅陳款誠勵支郡抗敵之心絕羣盜乘隙之
勢公之功也策勲楙賞鎮于魯邦當憲宗皇帝掃盪青齊

分裂疆宇合充海沂密四郡之地爲東南藩雖屢更翦惡而俗未丕變公於是詳究利病備陳綱條復闕里之風化修淹中之禮樂寒暑一換報功義寧旌政進秩乃之茲土凡三剖郡符再陟齋壇冠左貂儀大憲以至於冬官長皇上嗣位嘉守土之臣大布德澤叙升品列改受尚書右僕射所以寵新績而褒舊勲也惟公端肅莊明溫仁惠和戴君則竭其忠臨難則致其命至於字疲人撫三軍若治身疾如理家事公用不足則舍私財以繼之飢人無告則散清俸以賑之故能使部校服義蒸黎飲化若熙陽春若饗

太牢此所以建休勲彰茂節處貴位樹雄名諧大君之倚
注鋪冊府之光耀者矣昔鄭武繼威桓之德而嗣爲藩宣
條侯繼絳侯之功而復爲將帥惟公克荷先訓顯揚休聲
疇庸自列乎方隅延代繼分乎茅社君子爲積善之祉鍾
於高氏也宜哉夫播美在詞貽惠在公爰書盛德永勒豐
碑俾後之人知甘棠之陰留此地也詞曰

上標星辰下建藩方分彼土宇授茲忠良烈烈高公家聲
載揚應運宣力合於我皇東郡奧區豕韋舊疆化用浹洽
俗臻阜康昔在元和坤維構亂南平奉詔提師翦按乃執